

# *transbalkanska solidarnost*

---

## *transbalkan solidarity*

**Poziv na akciju: ZAUSTAVITE FINANSIRANJE NASILJA, ODMAH!**  
**27. - 29. maj 2020. godine**

Transbalkanska solidarnost vas poziva da učestvujete u 48-satnoj protestnoj akciji **vрати-metak** usmjerenoj ka Evropskoj uniji i njenim institucijama (Europskom parlamentu, Europskom vijeću, Europskoj komisiji i Vijeću Europske unije), koji su odgovorni za finansiranje sistematskog nasilja koje ima oblik zločina protiv čovječnosti.

### **Zašto trebamo poduzeti akciju?**

Europska unija, putem fondova namijenjenih zemljama članicama za upravljanje vanjskim granicama (Fond za unutarnju sigurnost - ISF) i potencijalnim članicama (Instrument za pretpristupnu pomoć - IPA) odgovorna je za nasilje koje se sprovodi nad ljudima koji borave, naseljavaju se ili migriraju kopnom ili morem u Evropu.

Nasilna postupanja koja se svakodnevno sprovode više ili manje u svim logorima, policijskim stanicama, sudnicama, deportacijskim centrima, zatvorima i graničnim prostorima u Europi:

- nisu izolirani niti sporadični događaji, već su dio široko rasprostranjene sistematske prakse koju toleriraju i prihvataju naše vlade i Evropski parlament,
- finansiraju se novcem iz javnih fondova,
- predstavljaju stabilan izvor profita za kompanije u privatnom vlasništvu i njihove dioničare,
- podržavaju industriju oružja, trgovinu oružja i ratnu ekonomiju,
- direktno degradiraju međunarodno humanitarno pravo i međunarodno pravo ljudskih prava, i posljedično dokidaju pravo na azil.

Dehumanizacija, deportacije, vansudska kažnjavanja, otimanja i prinudni nestanci, zatvaranje, porobljavanje, trgovina ljudima, mučenje, silovanje, politička represija, rasna diskriminacija i druga kršenja ljudskih prava koje proživljavaju ljudi koji su došli u Evropu kao migranti i izbjeglice, dio su široko

rasprostanjene i sistemske prakse koja se sprovodi preko vladinih politika koje izvršavaju agencije za sprovođenje zakona, policijske i vojne snage, privatne zaštitarske službe, kriminalne grupe, samoorganizirane grupe, sudski sistemi i druga tijela vlasti u Evropi.

Prema tome, Transbalkanska solidarnost smatra da su institucije Europske unije, zajedno sa vladama kako članica tako i država koje nisu članice EU, odgovorne za:

- svaki ispaljeni metak,
- svaku povredu nanesenu policijskom palicom, svaki ujed pasa, svaki bolnu ranu,
- svako utapanje u moru ili rijeci, svako uskraćeno spašavanje na moru, svaku zabranu pristanka brodova,
- svaku tragičnu smrt, svaki nestanak, svako odvajanje porodice, svako nelegalno protjerivanje u drugu zemlju, glad, žeđ, poniženje i bol,
- svaku ilegalizaciju i kriminalizaciju ljudske egzistencije,
- svaku kriminalizaciju aktivizma i solidarnosti,
- svo nasilje koje se čini u ime rasnih i ksenofobnih predrasuda,
- svo nasilje koje se čini u ime upravljanja teritorijama i granicama,
- svo nasilje koje se čini u ime profita!

### Kako učestvovati u akciji?

- **vratite metak koji je ubio nadu** (fotografija u prilogu) Evropskoj komisiji na

Generalni sekretarijat, Ursula von der Leyen (predsjednica):  
[ec-president-vdl@ec.europa.eu](mailto:ec-president-vdl@ec.europa.eu)

Odjel za migracije i unutarnje poslove, Ylva Johansson (komesarka):  
[cab-johansson-contact@ec.europa.eu](mailto:cab-johansson-contact@ec.europa.eu)

Susjedstvo i proširenje, Olivér Várhelyi (komesar):  
[cab-varhelyi-contact@ec.europa.eu](mailto:cab-varhelyi-contact@ec.europa.eu)

Ako ste zabrinuti za vašu privatnost, otvorite novu email adresu.

- **podijelite metak koji je ubio nadu** (fotografija u prilogu) **na vašim društvenim medijima uz tagove**  
#stopfundingviolence, #thisbulletkilledhope, #protestcampaign,  
#transbalkansolidarity, #europeancommission #eu

- **podijelite** ovaj poziv na akciju među svojim drugovima i drugaricama i vašom zajednicom
- pošaljite i/ili podijelite metak koji je ubio nadu u bilo koje vrijeme u periodu između **27. - 29. maja 2020. godine**

**Djelujte sada! Vratite metak koji je ubio nadu onima koji su ga finansirali!**

Transbalkanska solidarnost

Email: [reakcijananakovanjicekic@gmail.com](mailto:reakcijananakovanjicekic@gmail.com)

Web: <https://transbalkanskasolidarnost.home.blog/>

Facebook: <https://www.facebook.com/transbalkanskasolidarnost/>

Twitter: <https://twitter.com/TSolidarnost>

---

### **Zašto organiziramo ovu protestnu kampanju?**

„Samo su slijedili naredbe“ uobičajeno je opravdavanje nasilja poznato kao Nirnberška odbrana. Ali, mi postavljamo nova pitanja: Ko je izdao naređenja? Ko je finansirao?

Ko je u maju ove godine naredio nasilje nad djecom u Bogovađi u Srbiji, nasilje nad osobama pod zaštitom u logoru Obrenovac u Srbiji i premlaćivanja i korištenje suzavaca u zatvorenom logoru Krnjača u aprilu ove godine? Ko je izdao naredbu za hitnu nabavku žilet-žice za zatvaranje logora u Srbiji a ko ograđivanje Porina u Zagrebu u Hrvatskoj? Ko je naredio upotrebu sile privatnom osiguranju zbog čega je umro Ahmed iz Kurdistana u logoru Ušivak u Hadžićima u Bosni i Hercegovini početkom maja? Ko je naredio prisilna premještanja iz logora u logor u Bosni i Srbiji? Ko je policiji naredio spaljivanje lične imovine ljudi u pokretu u Velikoj Kladuši u Bosni i Hercegovini? Ko je spriječio ulazak u logore u BiH ljudima koji traže zaštitu što je dovelo do tragične smrti Ahmeda iz Maroka u logoru Miral kod Velike Kladuše? Ko je izdao naredbe za nasumična premlaćivanja u logoru Miral ovog maja ili redovnu okrutnost hrvatske policije i bezbrojna protjerivanja, napade pasa i ozljeđivanje ljudi? Ko je naredio da se ljudi u pokretu označavaju crvenim križem po glavi i tijelu? Ko je izdao i finansirao te naredbe? Ko je u više navrata naručio pucnje iz vatrenog oružja na ljude u pokretu, uključujući djecu? Ko je naredio puštanje pasa? Ko?

Nema kraja ovim groznim djelima koja su počinjena u vrlo kratkom periodu tokom pandemije Covid-19. Ono što fašisti misle i šta izgovaraju, institucije Europske unije finansiraju i provode. Ili je možda obratno? Takva politika i zločini

oblikuju javno mnijenje i potiču govor mržnje, zločine mržnje, regrutiranje bijelih ekstremista i fašizma. „Udri bagru, udri stoku“, je postao normaliziran i široko prihvaćen način društvenog komentiranja svake vijesti o nasilju počinjenom nad ljudima u pokretu. Upravo oni koji su oficijelno zaduženi da osiguraju poštivanje ljudskih prava i osnovnih sloboda u Evropi, odgovorni su za njihovo kršenje i zbog toga trebaju odgovarati.

